



Aqqalu C. Jerimiassen
Atassut

UKA 2021/56
03. November 2021

Portørit tarnikkut atugarisaat pillugit Naalackersuisut ukioq 2022 naatinnagu nalunaarusioqqullugit peqquneqarnissaanik Inatsisartut aalajangiiffigisassaattut siunnersuut. Nalunaarusiami atugassarititaasut pitsanngorsarnissaannut anngaasaqarnikkut sunniutaasussat ilanngunneqassapput.

(Inatsisartunut ilaasortaq Doris J. Jensen, Siumut)

Ajortoqarnissaajuna ila utaqqiinnartarippuut? Immitsinnut maanna taamatut aperisariaqarpugut.

Pinarluinnartunik pisoqartillugu peqqinnissaqarfitta qanoq artorsartiginera kingumut uppernarseqqiinnararaarput. Sulilu peqqinnissaqarfitta aningaasanik ilaartorfiguaraluarnerani kingumut ajornartorsiutitta suli kivissinnaannginnerannik puttallaqqittoqartaraaq.

Sullareqaat sulisui ataqqisassaapput, tamaarpulli.

Portøreqarnerput ullumikkut ataatsimut tamaat isigissagaanni, inuttut atugassarititai kisimik naammaginangitsumik inissisimanatik, atortorissaaruteqartitaanermikkuttaaq naammaginangilluinnartumik inissisimapput. Allaalluunniimmi ilaatigut ambulancit ilai pinartoqarluinnartinnagu atoqqusaajunnaavissimasut tusartalerpagut.

Suliaq oqimaareeqisoq, qaavatigut suli oqimaaluttanik pilersorpagut. Maannamut killiffiit taamak ittut pillugit UKA2020-imi imm.174 Atassummiit siunnersuutigiginikuugaluarparput, tassalu peqqinnissaqarfitta naalagaaffimmuut utertinneqarsinnaanissaanik nalilersuisariaqalernissaq, ajoraluartumilli inuiattut tulluusimaartuuneq tassani ajugaatinneqarpoq.

Maanna taama killiffeqarnitsinni, assut unammilligassarpassuaqarpugut ulluinnarni aningaasaqarnikkuttaarlumi.

Portøritta tarnikkut eqqugaasarnerat pillugu, paasinarluinnarpoq taamannak iliuuseqarfiginiarneqarmat inatsisartutigut, portørimmi sulinerat pitsaasuuppat ulluinnarni ulorianartorsiuleratarsinnaanitsinnut sullinneqarsinnaanerput qaffasinnerussammattaq.

Sorpassuit qulequttat siunnersuuteqartumiit tikinneqaralarput, taamaattorli imannak naalisaannarusunneruarput oqaaseqaatissarput Atassummiit.

Portøritta atugaat tamaat ataatsimut isigalugu pitsanngorsaavigisariaqarpoq, tamannalu pillugu qulequtaq allannguutissamik siunnersuuteqarfigerusullugu:

“Nunatsinni portørit inuttut sulinerminni nalaattagaat, sulinermilu atugassarititaasut pillugit pitsanngorsaavigineqarnissaannut Naalackersuisut pilersarusiussasut UKA2022-imi agguanneqartussamik, nalilersuinermi ilaatigut ilanngunneqassalluni nunatta ilumut nammineq aningaasatigut nammassinnaaneraat”.